



# **Universitätsbibliothek Paderborn**

## **Theologia Moralis**

Antehac ex probatis Auctoribus breviter concinnata

**Busenbaum, Hermann**

**Coloniæ Agrippinæ, 1707**

Caput III. Quid conscientia scrupulosa, & quid in ea agendum.

**urn:nbn:de:hbz:466:1-42634**

quæ hic & nunc magis expedient ad salutem animarum, uti l. c. dicetur, & Vide dicta n. 469.

## C A P U T III.

511

*Quid Conscientia scrupulosa, & quid in ea agendum.*

R Esp. I. Scrupulus est inanis apprehensio, & hinc  
ortus timor & anxietas, alicubi esse peccatum, ubi non est. Ita communiter, Nav. Azor, ceteri.

Resp. II. Licet operari cum conscientia scrupulosa, manente scrupulo, dummodo judicetur esse scrupulus, & ut talis condemnatur. Neque tamen opus est, ut ad singulos actus formetur hoc expressum judicium, quod sit scrupulus; sed sufficit, quod contra eum agat ex habituali vel virtuali judicio ab experientia præteriorum actuum. Ratio est, quia talis nulli periculo se exponit; cum ad bene operandum sufficiat judicium probabile aliquid licere: scrupulus autem, cum ex levi fundamento procedat, non tollit judicium practicum probabile, Sanch. l. 1. c. 10. n. 79. &c. Regin. Becan. Filii.

l. 21. n. 176.

513.

Resp. III. Signa Conscientiae scrupulosæ sunt, I. Pertinacia judicii, quam Doctorum consiliis non acquiescunt, unde varios consulunt & fatigant, ac tandem nullius judicio stant nisi suo. II. Ex levie apparentia frequens judiciorum mutatio: unde oritur in agendo inconstantia. Sic v. g. in Horis legendis aliquando decies mutabunt judicium, de lecto vel non lecto aliquo versiculo. III. Quod ex priore procedit, perturbatè agere, & cœcè quodammodo in externis actionibus versari. IV. Habere reflexiones extravagantes infinitarum circum-

512

cum-

“cumstantiarum. V. Timere in omnibus peccatum,  
“ac contra sapientum & proprium s̄epe judicium,  
“esse inquietum. VI. Si Confessarius judicet te esse  
“scrupulosum. VII. In particulari signa scrupuli p̄r-  
“sentis sunt h̄ec duo: 1. Si per illum experiaris te  
“nimium angit & turbari. 2. Si aliās expertus sis te  
“similia apprehendisse sine fundamento.

535

512

527

512

512

“Resp. IV. Remedia Conscientiae scupulosae sunt:  
“I. Scrupulos contemnere, contra illos agere, nec  
“cogitatione fovere. II. Iudicio Confessarii vel alte-  
“rius viri docti ac pii acquiescere, non recurrendo  
“ad eum in singulis actionibus, sic enim se & illum  
“fatigant, cum scrupulorum incremento, sed accipi-  
“endo ab eo generalia principia, à quibus nullius  
“scrupuli causā, imò nullo modo recedat, et si enim  
“alterum errare contingeret, quia tamen hoc fa-  
“ciendo, agit, quod in se est, non peccabit. III. Bo-  
“norum vitam & consuetudinem tanquam regu-  
“lam intueri. S. Ant. Sylv. IV. Assuefacere se ad  
“sequendas sententias mitiores, & minùs etiam tu-  
“tas, Fil. n. 182. V. Non judicare quidquam esse  
“mortale, nisi certò sciatur, Azor to 1. l. 2 c. 20.  
“Vasq. Sancb. Fil. n. 183. VI. Nunquam otiaris  
“quia otium implet phantasiam cogitationibus  
“scrupulosis. VII. Destruere causas scrupulorum,  
“v. g. melancholicus evacuet medicamentis atram  
“bilem; pertinax frangat suum judicium; superbus  
“prudentiae non confidat; rudis instructionem pe-  
“tat; timidus meditetur bonitatem Dei, quæ non  
“imponit præcepta redigentia ad insaniam. VIII.  
“Nosse scrupulorum privilegia; ut i. quòd non  
“teneatur in agendo adhibere examen & diligenti-  
“am, nisi valde mediocrem: nec tantam, quantam  
“alii: & quòd dum angit scrupulus, nec suppetit  
“consilium, possit liberè agere, quod vult, nisi cer-

cum

ccatum,  
dicium,  
et te esse  
uli præ-  
teriaris te  
tus siste-  
osæ sunt:  
ere, nec  
vel alte-  
arrendo  
& illum  
d accipi-  
nulliu-  
tsi enim  
hoc fa-  
III. Bo-  
m regu-  
re se ad  
tiam tu-  
uam esse  
z c. 20.  
ociari;  
ionibus  
lorum,  
s atram  
uperbus  
hem pe-  
quæ non  
n. VIII.  
qd non  
iligen-  
uantam  
suppetit  
nisi cer-  
cum

wm & evidens sit esse peccatum : Vide *Vasq. in i. 2. d. 57. 2.* Quod nihil teneatur repeterem ex præteritis confessionibus, nisi certò sciat illud esse mortale, & se ritè confessum non esse; Non est autem certus, quamdiu dubitat: Unde suadet *Lay* ut scrupulosus nunquam confiteatur dubia & scrupulos. Et *Sa. V. Dubium Sanch. Azor. Ec.* dicunt non teneri confiteri, nisi quæ jurare possit esse mortalia, & nunquam esse confessum. Ratio utriusque privilegii est, quia in scrupulo ex nimio timore pecandi turbatur ratio, ut non possit rectè rem examinare: Unde esto aliqua confessus non fuerit, non tenetur tamen cum tanto damno & periculo anxietatis perpetuæ procurare integritatem confessionis, cum ab ea minores saepe difficultates excusat, ut notat *Koning. Laym. Bon. Azor. Rec. IX.* Confessarius non permittat confiteri vel propone re scrupulos vel dubia, (maxime, si semel ad satietatem audiverit:) quia alioqui nunquam fontem scrupulorum exauriet. Vide apud *Lay. hic c. 6. Filiue. Sanch. hic & l. 2. de Matri. d. 41. n. 2. Azor p. 1. l. 2. c. 20 Bresserum l. 6. t. to. Rec. p. 2. t. 1. c. 4. q. 10. Bonac. to. 2. d. 2. q. 4. p. 8.*

## ADDENDA.

**Q** 68. *Quæ sint causæ scrupulorum R. Variæ, 512*

Q. 1. Suggestio dæmonis, ut bonum spirituale hominis impedit: 2. Consortium cum scrupulis, vel lectio casuum conscientiæ facta ab incauto & minus intelligenti: 3. Imbecillitas capitis, quam homines apprehensivi habent: 4. Defectus judicij naturalis: 5. Melancholia aut complexio corporis ad timorem propensa, qualis est in naturis humidis ac frigidis. 6. Acumen ingenii in inveniendis rationibus

nibus dubitandi, & impotentia dissolveundi. 7. Oculta superbia, ob quam aliquis non vult se submittere judicio & directioni alterius: 8. Actio de se non mala cum timiditate saepius repetita, sic enim magis intimidatur animus, & tandem cedit imprudenti timori. 9. Pusillanimitas & dejectio animi, ob quam quis nescit timores contemnere. 10. Nimia sollicitudo cavendi omne id, quod habet speciem mali, dum enim continuo sibi clamat, cave peccatum, cave tibi, seipsum sine causa intimidat. 11. Voluntas Dei, qui saepe immittit, vel ad punienda peccata, praesertim superbiam, vel ad instruendum hominem, ut sciat compati & dirigere simili malo affictos, vel ad excutiendam tepiditatem in servitio Dei, vel denique ad majus ejus meritum.

513 Q. 69. *An scrupuli sint utiles.* R. Sunt partim utiles, partim noxii:

§. I. Utiles sunt; 1. quia juvant ad emundandam conscientiam; hinc homo, qui in vita scrupulosus fuit, in morte solet abundare maximis consolationibus, etiam ex recordatione, quod conscientiam semper conatus sit habere mundam. 2. Juvant ad reddendum hominem in actionibus suis cautum, ne offendat Deum; item faciunt attentum & sollicitum, ut omnia ad Deum dirigat. 3. Plurimum faciunt ad internam humiliationem, videt enim scrupulosus, quam miser sit, quam parum prudens: deinde cogitur per angustias suas se suaque omnia aprire alteri; debet abdicato proprio judicio alienum sequi, & facere, quod jubet alter. 4. Multum conducunt ad hoc, ut quis suo tempore possit alios dirigere & juvare, vix enim bene dirigit scrupulosum, qui scrupulos non senserit, unde quos Deus praeordinat ad alios suo tempore juvandos, solet eos prius in illis exercere, ut sciant compati, & practicè novi-

rin;

7. Qc-  
submit-  
o de se  
sic enim  
t impru-  
o animi,  
10. Ni-  
abet spe-  
nat, cave  
ntimida-  
punien-  
instruen-  
ere simil-  
itatem in  
itum.  
at partim  
nundan-  
a scrupu-  
s consol-  
onscien-  
cautum,  
& sollici-  
num fa-  
im scr-  
lens: de-  
nia ape-  
alienum  
im con-  
ios diri-  
ulosum,  
s præor-  
os prius  
cè nover-  
xint,

rint, quomodo sit scrupuloso, quem maximè tor-  
quet illa cogitatio, quod putet neminem scire, quo-  
modo ipsi sit. 5. Juvant ad magnum meritum,  
quidquid enim agunt scrupulosi, ideo agunt, ne  
displianceant Deo, sicque puram semper intentionem  
habent: deinde pro Deo non offendendo patiuntur  
gravissimè, maliusque sàpe mortem, quam ejus-  
modi angores ferre; sicque Deus, sine peccato ty-  
rannorum, facit eos sibi Martyres esse: & hæc scrupulosis solatio esse debent.

§. II. Scrupuli sunt noxii, in primis corpori, quia 514  
destruunt valetudinem, attenuant caput, sàpe redi-  
gunt hominem ad insaniam, vitam sàpe abbreviant  
deinde animæ, quam reddunt intricatam, desolatam,  
perplexam, quandoque desperabundam; confun-  
dunt intellectum, judicandi vim perturbant, sàpe  
totum hominem insignibus talentis præditum red-  
dunt ad omnes functiones ineptum: præterea im-  
pedunt multa bona opera, prodigunt tempus mul-  
tis vanis ac inutilibus cogitationibus &c.

Q. 70. Quandonam aliquis judicari debeat 515  
scrupulosus. R.

§. I. Maximâ hic circumspectione est opus, nam  
aliqui sàpe putantur esse scrupulosi, qui non sunt:  
*Scrupulosi verè tales paucissimi sunt*, inquit Eliz.  
l. 8 q. 16. §. 3., sed stultus mundus timorem Domini  
scrupulos vocat & conscientias fascinat: è contrà  
tamen aliqui sunt scrupulosi, & non putantur esse.

§. II. An aliquis qui meticulosæ conscientiæ est, 516  
sit scrupulosus necne, communiter judicare non po-  
test meticulosus ipse, sed judicium relinquere  
viro docto, probo ac prudenti, qui in tractandis con-  
scientiis aliquam experientiam habeat; tales enim  
meticulosi per suas anxietates turbantur, quominus  
rectè judicent, maximè in rebus propriis, in quibus

*Vide lib. 6.  
ptez. n. 1913*

homines maximè cæctiunt, unde potius credere debet alteri, cui conscientiam suam modumque operandi sincerè aperuit.

517 §. III. Vix potest aliquis judicare statim primâ aut secundâ vice , quando alterum confitentem audiit, an sit scrupulosus necne, quia quamvis aliquis quandoque sit anxius circa multa, fortè justa & rationabilis est anxietas.

518 §. IV. Quando pœnitens est sollicitus , imò & moderatè anxius , ne Deum vel levissimè offendat aut ut statim culpam deponat, non debet ideo judicari scrupulosus , justa enim & prudens est cura illa ne Deus in minimo offendatur, & ut offensa depotatur ; hinc legimus de viris Sanctis , quid quotidiæ quandoque etiam bis de die confessi sint.

519 §. V. Qui post vitam in magnis peccatis diu traductam anguntur , sibi que etiam intra mediocre tempus, v. g. intra medium annum nunquam videntur satisfacere, sed magis confiteri volunt , & præterita expiare , non semper judicandi sunt scrupulosi, quia timor & cura illa sæpe est prudens ac necessaria, tum ad recogitanda pro confessione omnia peccata, quæ homini salutis incurio facile excidunt, tum ad cogitationes & affectus à malo abducendos, quod post consuetudinem peccatorum non adeo facile fit.

520 §. VI. Si quis nunc adhuc deliberatè consentiat in peccata , quamvis postea valde angatur , sollicitè se examinet, anxiè confiteatur , sicque seipsum aliquo modo turbet, non ideo statim censeri debet scrupulosus , est enim justa causa illius anxietatis & moderatæ turbationis , quam Deus per conscientiam remordentem injicit, estque re ipsa actualis gratia Dei, quæ ideo turbat, quia est contraria affectui peccaminoso , quem homo paulò antè habuit , aut forte etiamnum habet.

§. VII.

§. VII. Ex eo, quod aliquis dubitet, an in hoc  
vel illo peccarit, non potest semper colligi, quod sit  
scrupulosus, quia dubium & scrupulus valde distin-  
guuntur, nam dubium est suspensio judicii, quæ si  
fiat ex rationabili motivo, est prudens, hinc sœpe fieri  
potest, ut aliquis dubitet, peccaritne mortaliter nec-  
ne, quod plerumque contingit illis, qui vel ignoran-  
tes sunt, vel non satis attendunt ad suas intentiones  
& affectus: è contrà scrupulus est tantum inanis  
apprehensio & sine fundamento conceptus timor  
peccati, ubi peccatum non est: ex quo etiam patet,  
si quis per errorem iudicet aliquid esse peccatum,  
quod peccatum non est, hoc non esse scrupulum, sed  
conscientiam erroneam, contra quam si operetur,  
peccat.

§. VIII. Qui in uno tantum vel altero casu tran-  
seunter habet scrupulum, non potest dici scrupulo-  
sus, hoc enim nomen frequentiam seu habitum de-  
notat; uti non dicitur ebriosus, qui semel aut ite-  
rum fuit ebrius, sed qui solet se ineptiare: unde nec  
talis uti poterit privilegiis scrupulosorum, uti recte  
*Stoz l. I. p 5 n. 176.*

§. IX. Aliqui sunt scrupulosi circa præterita, alii  
circa præsentia: scrupulosus circa præterita est ille,  
qui cum moralem diligentiam adhibuerit in exa-  
minandis, detestandis & confitendis præteritis, ni-  
hilominus sine prudente motivo continuo timet, an  
hoc vel illud etiam non fecerit, an recte doluerit, an  
satis confessus sit &c. Scrupulosus circa præsentia est,  
qui cum deliberatè non consentiat in peccata, tamen  
ubique timet, ne hoc quod facere vult, sit peccatum,  
ideo ubique heret, & seipsum vanis apprehensioni-  
bus peccatorum excruciat, si aliquid egerit.

§. X. Si quis sit anxius & seipsum interroget, 524  
quæ sit causa suæ anxietatis, tumque nullam causam

rationabilem dare possit, signum est angi scrupulo, uti & tum, si illa, quæ alias scit & antehac prudenter judicavit non esse peccata, jam reputet ut talia, vel operando formidet, ne sint.

525     §. XI. Fit sæpe, ut aliquis sit scrupulosus in una materia, v. g. in materia castitatis vel horis legendis, è contrà non sit scrupulosus, sed nimis laxus in aliis, unde talis non poterit uti privilegiis sive regulis scrupulosorum, nisi in illa materia, in qua scrupulosus est.

526     §. XII. Ad melius dignoscendum, quisnam si scrupulosus, juvat ex Stoꝝ. n. 223. expendere discrimen, quod est inter laxum & scrupulosum, v. g. 1. Laxus est, qui spernit & pro nihilo habet illa, quæ alii communiter putant esse peccata: qui verò timeret, quæ alii pro nihilo habent, est scrupulosus. 2. Qui non credit Concionatoribus, sed eorum reprehensionem censet esse immodicas exaggerationes, laxus est: qui verò Confessariis aut aliis viris doctis & probis factum excusantibus non credit, est scrupulosus. 3. Qui proprio confisus judicio procedere solet nemini consulto, laxus est: qui verò in rebus etiam claris, vel de quibus alias accepit resolutionem, iterum iterumque interrogat, volens se per hoc reddere magis securum scrupulosus est. 4. Qui in confitendo non multum laborat de exprimenda specie & numero peccatorum laxus est: qui verò omnia dubie & hæfitanter confitetur, idem sæpius repetens, dicens jam hunc jam illum numerum vel circumstantiam diversam, nec unquam sibi satisfaciens, scrupulosus est. 5. Qui præcipitanter & sine confidatione agit quidlibet, est laxus: qui verò in omnibus ita suspensè procedit, ut non fidat communi doctrinæ Theologorum, sed semper evidentias & demonstrationes querat, est scrupulosus. 6. Qui velociter & vagè præscriptas preces deproperat, sine causa in-

terruntur,

terrumpit, inter orandum circumspicit vel fabulatur, est laxus: qui verò anxiè precatur, sèpius subsistit pro attentione habenda, eadem repetit, est scrupulosus; & ita de aliis materiis. Atque ex his facilè est colligere, quisnam habeat conscientiam timoratam & bene formatam, nempe qui in his aliisque medium tenet.

*Q. 71. Quid observandum sit circa directionem 527  
scrupulosi. R. seqq.*

§. I. Curam dirigendi scrupulosum non admittat Confessarius, nisi ille ostendat, se credere, quod Confessarius possit & velit eum bene dirigere, simulque spondeat constantiam apud illum, confidentiam in se aperiendo, obedientiam in sequendo, etiam seposito proprio judicio, hoc enim est facillimum & ferme unicum medium tales homines juvandi, quo si utantur, etiam securè procedunt, ut dicitur n. 540.

§. II. Confessarius ante omnia videat, quæ sit 528 causa scrupulorum, & conetur eam amoliri, debet enim agere, sicuti prudens Medicus corporis, qui explorat morbum & causam ejus, priusquam medica menta applicet.

§. III. Plerumque mitis fit erga scrupulosum, ne 529 afflito afflictionem addat: quandoque tamen etiam juvat austерitas, ut expugnari possit tenacitas iudicii in pœnitente.

§. IV. Resolutè ei respondeat, non hæsitans, nec 530 multùm distinguens, sed absolutè enuntians, quid faciendum sit, semper sequendo partem benignior em, & dubitationes ejus interpretans in meliorem partem; nunquam autem det rationes sui responsi, quia has postea scrupulosus examinat, sibi que reddit dubias, ac se magis implicat.

§. V. Non patiatur sibi proponi quoscumque 531 scrupulos & dubia, sed quando moraliter certus est

scrupulum afferendum, dimittat etiam ad communionem non auditum, quia hæ interrogationes & frequentes recursus ad Confessarium sunt veluti stricatio scabiei, inquit *Crombezius* l. I de perf. c. II, quæ quidem placet, sed nocet.

532. §. VI. Quandoque suaviter irrideat, dum proponit aliqua minus prudentia dubia, jubeatque cogitare, quid responsurus esset, si ab alio interrogatur, mandetque id ipsum facere.

533. §. VII. Sollicitè monendus est, ut nulli scrupulo cedat, sed directè contra eum operetur, v. g. si scrupulum habeat, quasi peccet, si transiens Sacerdotem non deponat pileum, jubeatur transire tecto capite; si enim sic cogitet, hac vice deponam, pro securitate ne peccem, hac vice tantum, ut sim quietus &c., hoc ipso paulatim inducit apprehensionem obligationis, & vehementer auget suum malum: imò docendus est, quod cedendo scrupulis peccari possit, v. g. quia per scrupulos nocetur corpori & animæ, impeditur multa bona, superbè defenditur judicium proprium, non satìs estimatur Dei bonitas, sed occurrit scrupuloso velut Tyrannus, qui torturâ hominis delectetur, vel nobis quasi ponat laqueos peccandi.

Qui plura voluerit pro consolandis juvandisque ejusmodi hominibus internè affictis & anxiis, legat inter Epistolas *Ludovicus de Ponte*, post ejus vitam annexas, Epist. 16. 17. & 18, ubi planè solida & profundè spiritualia circa hæc documenta tradit.

534. Q. 72. Quenam præterea regulæ servire possint scrupuloso. R. seqq.

§. I. Quod nimiam difficultatem assert, non est moraliter possibile, unde ad illud nec Deus nec Ecclesia obligat, ita *Regin.*; & hanc regulam applicare potest plurimis materiis, v. g. scrupulosus dicere potest, mihi nimis difficile esset confiteri, quidquid me inquietat,

quietat, sic recitare horas semper repetendo, semper habendo formalem attentionem &c., ergo ad talia non obligor.

§. II. In dubiis, vita & communis sensus hominum proborum meritò potest haberi pro regula vivendi, unde quod illi absque formidine peccati agunt, potest scrupulosus sequi, ita Laym., hinc potest sic dicere scrupulosus, video hos & illos homines, de quorum probitate dubitare non audeo, tale quid bonâ fide agere, ergo ego possum similiter.

§. III. Qui omittit, quod lex præcipit, excusatur, sibonâ fide & sine contemptu putet legem non esse, paratus facere, si sciret legem esse, ita Cajet. Nav.; hinc dicere potest, non scio, quod existat lex, v. g. repetendi horas, etiam si distractè oraverim, & si scirem legem esse, repeterem, nunc autem non repeatam, quia certus non sum de ulla ejusmodi lege.

§. IV. Si dubitet, an id, in quo hæret, si scrupulus, an prudens ratio dubitandi, tutò contemnere potest velut scrupulum, inquit Sto<sup>z</sup> l. 1. p. 5. n. 185. & 189., nam quod dubium est scrupuloso, hoc censeri debet pro illo moraliter certum; & si esset peccatum, id sciret vel audisset antehac: hinc si v. g. apprehendat se teneri ad aliquid statim faciendum, uti ad corripiendum proximum, si non est certus se teneri, prudenter judicat se non teneri, & bene facit omittendo, uti rectè Less. de act. hum q. 19. n. 79.

§. V. Addit Less. expedire, ut scrupulosus membrum retineat, vel etiam in charta notet scrupulosos præteritos, in quibus agnovit, vel à Confessario audit se inaniter fuisse anxium, sic enim poterit ex horum similitudine novos dijudicare & contemnere.

§. VI. Quamvis scrupulosus sit rudis, rectè ramen facit, si assuescat ex generalibus principiis sibi formare conscientiam, non recurrente toties ad

Confessarium, siveque perget bona fide: si erret, non imputabit Deus, qui non obligat ad toties recurrendam cum tanta molestia & perturbatione sui, sed unicuique dedit rationem, ex qua sibi formet dictamina agendi.

540 §. VII. Directio Confessarii est facillimum medium evadendi scrupulos, si nempe ei credit penitens; hinc si juvari optat, debet unum stabilemque sibi eligere, quem putet doctum & probum, ita ut possit & velit bene dirigere secundum Dei beneplacitum & salutem ipsius: quod si ad varios currat, eisque suas difficultates exponat, signum est pertinacis judicii & quod velit eum tantum sequi, qui secundum ipsius caput respondebit: recte ait S. Antonin. I. p. summæ tit. 3. c. 10. §. 10. Reg. 5. Est igitur quinta regula, obedientiae humilis imitatio, ut scilicet scrupulosus captivet intellectum suum dictis sapientum & obedientie Superiorum, quantumcumque scrupulus sibi dicet aliud. Et quod prudenter agat sic cæcè sequendo, clare ostendit Less. n. 78., sic enim format conscientiam, quamvis ego, quoad me potius judicarem me ad hoc teneri, hoc esse peccatum &c., quia tamen meus Confessarius mihi dicit contrarium, possum & volo facere hoc, quod ille mihi dicit, & certus sum me bene facere, quia Deus vult, ut faciam, quod ille mihi dicit, cum ipse mihi sit interpres Divinae voluntatis, ita Gobat II. 7. n. 500.

541 Q. 73. Quænam sint observanda, si quis circa peccata præterita & eorum confessiones sit scrupulosus. R. Seqq.

§. I Si antehac vixit in consuetudinibus peccandi, permitti debent scrupuli aliquo tempore, ut conscientia recte expurgetur: ante omnia autem sollicitè disponendus est ad confessionem generalem, (si

hanc  
chan  
exar  
& p  
ceri  
gen  
ter:  
rite  
mn  
exar  
esse  
bili  
me  
C  
con  
pot  
der  
qua  
tio  
tere  
mo  
mn  
Loh  
act.  
qua  
nun  
ten  
huc  
fe,  
ret  
nu  
auc  
si  
pu

hanc nunquam fecerit) per prævios actus fidei, spei, charitatis, doloris, propositi : tumque juvandus in examine, percurrendo præcepta Decalogi, Ecclesiæ & peccata præcipua : hanc confessionem si semel fecerit, nunquam amplius permittendus est confiteri generaliter, attamen concedendum, ut ter aut quater addat, quæ adhuc incident, &c de quibus nescit se rite confessum esse, tumque postea de præteritis omnino non audiendus, nec permittendus se desuper examinare, quamvis non meminerit se hoc vel illud esse confessum, quia non meminisse non est rationabilis causa dubitandi, cum nec aliorum actuum sæpe meminerimus, ita *Nav. Laym. Med. Sa, Henr. Côn. Gob. Lohn.*

§. II. Si sciat se solitum esse retinere peccata in confessione, dandum est aliquantò longius spatum post confessionem generalem, ut peccata adhuc incidentia confiteatur, v. g. per dies quindecim, post quos etiam ipsi prohibenda est confessio & recogitatio de peccatis præteritis, quamvis enim fortè omitterentur aliqua, non est obligatio cum tanto incommodo præterita scrutandi, remissa autem sunt omnia indirecte per primam absolutionem, ita *Côn. Lohn.* & alii. Ideoque universaliter dicit *Leff.* de act. hum. q. 19, n. 80. scrupulosum non teneri quicquam repetere in confessione, nisi certus sit, se vel nunquam, vel non bene esse confessum, quamdiu autem dubitat, certus non est.

§. II. Si post adhibitam diligentiam istam adhuc non acquiescat, sed dicat se hæc & ista certò fecisse, & non esse confessum, jubeat Confessarius, ut juret se scire, quod per hoc peccarit mortaliter, & quod nunquam sit confessus; si timeat jurare, dimittat nec audiat, nam non est certus, sed ad summum opinatur, si sine mora juret, audiat, tum enim non est scrupulus.

§. IV.

**544** §. IV. Si angatur circa præparationem ad confessiones, edoceri debet, quod sufficiat diligentia & præparatio mediocris, qualis in negotio magni momenti ab hominibus adhibetur: quoad confessiones autem peractas declareret ei non ideo esse repandas, quod probabiliter fuerint invalidæ, si etiam probabile sit valuisse, ut pluribus dicetur de Sacramentis.

**545** §. V. Si pro confessione ordinaria nihil peccati comperiat, non ideo turbetur, quia vel non peccavit, vel Deus ei sua lumina hic subtrahit, ut tantò humilior reddatur, ideoque eum Confessarius vel dimittat cum cruce, vel yubeat ex priore vita repetere unicum peccatum, quod certò sciat se antehac esse confessum.

*Q. 74. Quænam regula serviant illi, qui scrupulosè angitur, ne tentationi internæ consenserit.*

*R. Sequentes,*

**545** §. I. Nunquam credat se mortaliter peccasse, nisi certò sciat, imò etiam, si valde scrupulosus sit, jurare audeat se plenè advertisse malitiam gravem, & in eam plenè consensisse; hinc etiam pro conscientiis non scrupulosis communiter notant Auctores, & absolutè dicunt *Bonac.* de peccatis d. 2. q. 2. p. 3. n. 19. *Sayr.* in clavi Regial. 8. c. 7 n. 6. *Regin.* I. 15. n. 76. *Herinx* de peccat. d. 7 n. 41. *Bosco* de pœnit. d. 7. f. 8. n. 104 & 107., qui timoratæ est conscientiæ, nec solet plenè advertens consentire, potest in dubio credere se non plenè consensisse, quia ex communiter contingentibus est prudens præsumptio.

**547** §. II. Regula jām data valet, quamvis non adsit alia conjectura: valet autem maximè si præterea accedat unum ex his, I. Si seruum animum & sèpe repetitum propositum habuerit nunquam peccandi mortaliter, aut potius moriendi; quæ enim sèpe sun-

odio

odio habita, si postea plenè amentur, hoc facillimè advertitur. 2. Si, quando magis advertit, terreatur & continuò repellat, quia si animus antea plenè consensisset, non tam facile mutaretur, præsertim sine consideratione motivorum oppositorum; & si se plenè avertisset à Deo, non tam citò ad eum iterum converteretur. 3. Si statim post factum advertat se jam cognoscere malitiam, quam antè non ita cognoverat, tum enim signum est, quod antè non plenè cognoverit. 4. Si meminerit se timidè & suspectè processisse, quia tum signum est non plenè consensisse. 5. Si tum habuit occasionem patrandi peccatum, & tamen ab illo abstinuit, signum est, quod non plenè consenserit in illud patrandum. 6. Si nesciat, an vigilanti an dormienti, an sobrio an ebrio contigerit, si enim fuisset plena deliberatio & libertas, sciret, an fuisset vigilans & sobrius. 7. Si statim post factum dubitet, an consenserit, quia plenus consensus in morale est tanta iniquitas, inquit *Iacobus Alvaretz*, & post eum *Gran.* apud *Ovied.* I. 2. tr. 4. contr. I. n. 29. ut celari aut ignorari non possit, sed in recenti facilè agnoscatur: Et si peccato consensisset, inquit *Bonac.* suprà, facilè cognosceret se consensum præbuisse, nam à mortali peccato valde abhorret, uti suppono, cùm sit timorata ad Deum conscientia, qui autem ab aliquo malo valde abhorret, si in illud incidat, non facilè obliviscitur. Et hic dicta valent etiam pro non scrupulosis.

§. III. Quamvis homo, qui non est timorata conscientia, sed solet consentire, ex communiter contingentibus debeat in dubio præsumere se consensisse, tamen rectè notat *Herinx* suprà, si cœperit serio converti, sèpè fieri, ut longo tempore inhæreat cogitationi, neque tamen consentiat, è quod habitus antiqui naturaliter operentur primum motum,

nec

nec semper possit homo aliis intentus animum advertere ad illum tam citō reprimendum, quod valet de omnibus, sed maxime in scrupulosis, qui à peccatis recenter convertuntur.

**549** §. IV. Pro certo tenendum est nihil esse peccatum, nisi cum, quando committitur, advertatur malitia, quod enim aliquis postea advertat, est conscientia sequens, quæ nihil ad rem facit, uti dictum est n. 44

**550** §. V. Quando materia actionis vel omissionis de se est grata appetitui, & tamen non causavit specialem delectationem in voluntate, signum est, quod defuerit plena advertentia vel consensus, alioquin etiam voluntas suam percepisset delectationem.

**551** §. VI. Qui scrupulosi sunt in internis dubiis circa fidem, jubendi sunt non pugnare positivè contra tentationem, volendo elicere actus oppositos, sed habeant se quasi permissivè & contemptim, v. g. si se internè ingerat tentatio, Deus non est Unus & Trinus, non debent in hoc æstu tentationis velle elicere actum fidei circa hoc mysterium, sed faciliter vincent, si abstrahant, hoc modo, quando tentatio dicit, hoc non est possibile, ut Deus sit Unus & Trinus, respondeant internè, non sit possibile, quid tum? ergo Deus non est Trinus? non sit, quid tum? ergo tu hoc non credis? non credam, quid tum? imò dicat, nolo jam credere, sed tum credam, quando opus erit. Vide dicenda l. 2. n. 42.

**552** §. VII. Similiter, qui circa judicia temeraria est scrupulosus, faciliter vincet, si quasi permissivè se habendo contemnat, quam si positivè contrà luctetur, v. g. audit Titium paulò liberiùs jocantem, incidit cogitatio, Titius est luxuriosus; hic non debet velle se cogere, aut rationes querere, ut judicet Titium potius esse castum, sed quasi contemnat, internè dicens,

cendo, sit luxuriosus, quid tum? quid ad me? sit talis:  
 ergo judicas esse talem? judicem, quid tum: ergo sic  
 vis peccare? peccem sic, quid tum? Si sic agat con-  
 temnendo, reipsa nec judicat nec peccat, quia sic se  
 habendo exercitè cognoscit se non esse paratum ad  
 peccandum, nec reipsa habere judicium illud de Ti-  
 tio: è contrà si incidat, non est luxuriosus, licet ita  
 loquatur, sed castus; etiam hìc suspendat judicium,  
 & cogitet, sit castus, quid tum? si enim positivè ju-  
 dicare veller esse castum, iterum recurreret dubium  
 & tentatio in oppositum, propter jocos liberiōres  
 jam auditos.

*Vide lib. 3  
n. 1189.*

§. VIII. Qui internè vexatur cogitationibus, 553  
 quasi Deum blasphemet, veller destruere &c., quam-  
 vis cogitationes tales videantur ad cor venire, si ta-  
 men seipsum seriò interrogans videatur sibi omnia  
 opposita cupere, censi debet nullo modo peccare,  
 ut post *Baldel.* notat *Burgh.* cent. I. cas. 47., quia  
 ob vehementiam phantasiae & turbationem intelle-  
 ctus impeditur libertas, certum enim est quod non  
 tantum passiones aliae sed etiam anxia formido tol-  
 lat indifferentiam judicii & voluntatis, hinc, in-  
 quirit *Henr. Suso* apud *Lohn.*, concors est multorum  
 etiam SS. sententia quod ratio sàpe per importunas  
 incidentias etiam in delectationem perveniat, idque  
 satìs longâ morâ, antequam sui ipsius per maturam  
 deliberationem plenè compos fiat, & in talibus boni  
 homines peccatum mortale metuere non debent:  
 tali autem homini suadendum est, ut moderate re-  
 sistat, potius contemnendo, secundùm antè dicta,  
 quam positivè & directè contranitendo, sic enim  
 frustra se vexaret, quia phantasia ejusmodi repræsen-  
 tationibus assueta est potentior, nec sub jacet liber-  
 tati. Id tamen notant viri spirituales, quod postea,  
 dum se examinant, possint præsumere illud esse ve-  
 rum,

304

rum, quod statim post factum conscientia dictabat, sive quod ipsis primò occurrebat contigisse, unde si primò videbatur ipsis, quod consensissent, potest id præsumi: è contrà si primò videbatur ipsis, quod non consensissent, aut si tantùm timebant vel dubitabant, an non consensissent, præsumant se non consensisse, nec recedere debent ab illa prima persuasione vel resolutione semel facta, frustra enim se divexabunt, cùm nunquam consequi possint certitudinem.

554

§. IX. Qui timidæ sunt conscientiæ, nunquam debent in æstu temptationis qualiscumque illa sit, examinare, an consenserint necne, sed rejiciant in aliud tempus, quando deferuerit tentatio, & quieti erunt, quia ob turbationem mentis non sunt eo tempore apti ad judicandum. *Nec refert*, quod timeant, ne obliviscantur, aut postea non ita sciant, quomodo se habuerint, nam potius admirere debent periculum oblivionis, quām se ita graviter sine fructu vexare, aut etiam se exponere periculo re ipsa consentiendi.

555

§. X. Qui sic internè vexatur metu consentiendi, monendus est, ne gestu vel verbis se defendat contra temptationem, v. g. agitando caput, dicendo, nolo consentire, nolo, non facio, recede diabole &c, hac enim non sunt remedia, sed maiores vexationes sui: itaque placidè sit quietus, nudè contemnat, agat quod agit, aut si nihil habet, quod agat, cogitet de illo, quod primò occurrit, v. g. si fenestrām videat, numeret, quot vitra habeat, sicque facilius evincet: quod si tentatio nihilominus pergit infestare, nil refert; non nocet, si deliberata voluntas non accedat per consensum, cuius periculum non est in homine timorato, nec debet præsumi in ipso: id etiam observandum, quod ejusmodi homo temptationem ipsam reputet pro consensu, nam si internè suggerat

dæmon,

Vide plura lib. 6. part. 2. nū. 1906.

dæmon, fac hoc, vifne hoc facere? nunquid vis face-  
re? hoc ipso putant se consensisse, quod falsum est,  
cùm sit mera tentatio ad consensum.

*Q 75. Quid illi sit agendum, qui scrupulosè semper 556  
timidus est, ne cum dubio operetur. R. Hic scrupu-  
lus multis est molestus, cùm enim certum sit eum  
peccare mortaliter, qui operatur, dubitans an hoc,  
quod facit, sit mortale, aliqui autem scrupulosi ad  
omnia ferme hæreant & nihilominus sæpe operen-  
tur, postmodum nesciunt, an re ipsa dubitarint, aut  
an se practicè resloverint: pro talibus servient se-  
quentes regulæ,*

§. I. Motivum prudens ad se resolvendum quòd  
actio, quam talis homo anxius aggreditur, non sit  
peccatum, est hoc, si primo statim intuitu & sine for-  
midine non cognoscat esse peccatum: neque opus  
est, ut examinet rationes pro & contra, sed certò cre-  
dat esse licitum, hoc ipso quòd primo intuitu non  
occurrat tanquam certò & indubitanter illicitum,  
*Ita bonac. Sanch. Castrap. Laym. Stoz. l. i. p. 5. n. 200.*

§. II. Si sciam alios homines probos aliquid so-  
lere agere, tum etiam rectè judice mihi id ipsam  
licere.

§. III. Quamvis scrupulosus postea inveniat se 557  
aliquando errasse, judicando licitum, quod re ipsa  
erat illicitum, nil refert, potest nihilominus alias  
codem modo pergere, & se secundùm dicta resolve-  
re, quia cùm per experientiam suam sciat tales timo-  
res suos, qui æqualiter incidunt, esse communiter  
vanos, sitque moralis impossibilitas & nimia diffi-  
cultas examinandi omnes, prudenter facit, si omnes  
contemnat & bonâ fide pergit, per accidens autem  
erit, si quandoque materialiter peccet.

§. IV. Si scrupulosus tam citò non possit se de- 558  
terminare, nec satís contra illum timorem videatur  
formare

formare judicium practicum, quod non peccet, quamvis operetur cum actuali tali timore, nō peccat, quia timor ille non est judicium nec conscientia dubia, sed tantum est fuga aliqua sive actus appetitus aut voluntatis conjunctus cum apprehensione mali, quod fugit; & ille timor relinquit judicium aliquod quasi habituale, re ipsa virtuale, quod quis habet, & quo judicat talem actionem non esse peccatum, cùm tale judicium hactenus habuerit de talibus actionibus, & censeatur illud adhuc habere, quādiu non occurrit ratio certa & evidens in contrarium, licet ipsemet non advertat se habere illud ob impetum contrarii timoris, qui intellectum confundit & perturbat: re ipsa autem talis timor non est in ultimo judicio pratico, sed oritur ex cognitionibus antecedentibus vel comitantibus, quæ veluti objecta respiciuntur à judicio pratico, sicuti præmissæ ultimi judicij practici respiciunt judicium directum probabile & formidolosum velut objectum, quod 559 tantum affirmant existere, uti dictum est n. 306.

§. V. Si scrupulosus certò putet se habuisse dubium, non ideo certus est se peccasse, quia potuit suisse dubium tantum speculativum, per quod non tollitur certitudo judicij practici ultimò directivi: itaque ad summum reddetur dubius, an re ipsa peccarit necne, cùm autem scrupulosus non teneatur confiteri dubia, ut possit tales timores tandem vincere, & superare pericula peccandi, consultius est, ut istorum mentionem nullam faciat, quando confitetur, nec se desuper examinet, an peccarit necne, sed potest prudenter se resolvere, vel quod non peccarit, 560 vel quod saltem non teneatur illa confiteri.

Q. 76. Quid agendum sit cum illis, qui continuò talia oggerunt Confessario, Pater me non novit; non scit qualis sim; habet me pro scrupuloso & non sum; non sum ita, sicut putat; non sat is me explicavi, &c. R.

&c. R. Ad satisfaciendum phantasiaz, Confessarius bis vel ter patienter audiat, tum semel pro semper admoneat, ut se sufficienter cognosci statumque animæ intelligi credat, nequæ opus esse pluribus se explicare: si non acquiescat, permittat ad tempus agere, quod vult, donec illam superbiam, quâ se Confessario præfert, & pertinaciam, quâ judicio proprio insitit, discat deponere, discet autem, advertens se quotidie magis & magis implicari atque torqueri: quod si nec tandem ita sapiat, habeat pro incurabili, & sustineat eum cum patientia, quandoque enim vult Deus tales permanere. Pro scrupulotis aliis, v.g. circa orationes vocales, horas Canonicas, Missam legendam vel audiendam, dabuntur suis locis regulæ, quando de illis materiis agetur.

## TRACTATUS II.

561

*De Regula externa Actuum humanorum,  
sive Lege.*

## CAPUT I.

*De natura & obligatione Legis in genere.*

## DUBIUM I.

*Quid sit Lex sive præceptum.*

**D**Espondeo Lex & Præceptum, prout hinc  
indistinctè accipitur, est recta agendo  
rum, aut omittendorum ratio. Intérim  
cùm à Superiore non communitati, sed  
alicui tantum, aut aliquibus in particulari aliquid  
præcipitur, non appellatur Lex, sed Præceptum tan-

564  
562  
570  
574  
582  
587

V 2

sum,